

ያኦሲ ማደ"ም ዳኪንቴ ጳውሎስ ፒልጲሲዮስ ዓሶም ዳኬ ኪኢቶ" ዓይያ ካሮ"

ጳውሎስ ፒልጲሲዮስ ዓሶም ፃኣፔ ኪኢታ" ፃኣፒንቴህ' ሮሜ
ዓጮ" ዴማ" ማዔ፥ ማቁደኒያ ዓጮ"ይዳ፥ ፒልጲሲዮስ ካታማ"
ዓኣ ሺኢጲያ ማኣሮ ዓሶምኬ፤ ዬና ሺኢጲያ ማኣራላ ጳውሎስ
ዓውሮፓ ዓጮ"ይዳ ቤርታ ዔቁሴዜሎኬ፤ ኪኢታ" ፃኣፒንቴህ፡-
ኪሪሰቶስ ጉሙርቃ ማሌ" ማደ ዓሳ ጳውሎስ ዒዲ፥ ዒዛ ማካ
ዎድ"ና ሃህ ፒልጲሲዮስ ሺኢጲያ ማኣሮይዳ ዔቁ ሉኡዙሞና
ዔርዘ ዓሶ ዛሎ"ና ዒና" ዒዛኮ ያዪ፥ ቱኡዙ ማኣራ ዒ ዓኣዎኬ፤
ዬይ ያዲ ማዔቴያ ጳውሎስ ዬሱስ ኪሪሰቶሴና ዓኣ ጉሙርቁያና
ሚርጌና ካፄያ ማዔህረ ሃና" ኪኢቶ"ይዳ ሚርጌና ጳዳ ባካ ዎዛና
ዒናፓ ያኦሲ ዓያናና ደዲህሂ ዛላኬ።

ሃና" ኪኢቶ" ጳውሎስ ፃኣፒሴ ባካ ዒዛኮ ማታህሂ ዎድ"ና ዒዛ
ማኣዳ"ኒ ማኣዳ ዳኪንቴያታህረ ፒልጲሲዮስይዳ ዓኣ ኪሪሰቶሴ
ጉሙርቃ ዓሶ ጋላታኒኬ፤ ዒዛንታ ዔያቶንታ ዴማ ዴማ ማታ
ሄሌ"ያ ማዔቴያ ዒጊጩዎፖ ጉቤ ዒናፓ ጉሙርቁህ ዔያቶኮ ዓኣያ
ማዓንዳጉዲ ቃሲ" ዔያቶ ደዲሻኔ። ያቶርሙሞና ሄርሺንቴና ሃሺ"
ዬሱስ ኪሪሰቶሴኮ ሺሌዑሞና ሚርጌና ዎሊ ሚጩንታያ
ማዓንዳጉዲ ኮሺ" ዔያቶም ላቲ" ኬኤዛኔ። ዔያታ ዬሱስ
ኪሪሰቶሴና ዎላ" ማዒያና ዴንቄ ናንጋ ያኦሲኮ ኮሹሞ
ዒንጊይይዳፓ ማዔያ፤ ሃህ ጉሙርቁህና ዔያታ ዴንቄያ
ማዓንዳኣፓዓቴም ዓይሁዴ ዓሶኮ ዎጎ ማደ ከንሥህና
ጳዳያቱዎሴ ጌይ ዔያቶም ጳቁህ ኬኤዛኔ። ዬሱስ ኪሪሰቶሴና
ፔቴ" ማዒ ናንጋዘንህረም ቢያ ያኦሲ ዒንጋንዳ ኮሹሞንታ ዎዞ"ንታ
ዛሎ"ዎ ዔያቶም ዒ ፃኣፔ።

ሃና" ኪኢታ" ዴማዲ ዔርታህ፡- ዎዛንታ ጉሙርቁህንታ
ፔቱሞንታ ሃህ ኪሪሰቶሴ ጉሙርቁ ናንጎ ናንጊና ደዲህሂንታ ዛላ
ፔጋሲ ዔርዘያናኬ፤ ቃሳ"ዎ ጳውሎስ ፒልጲሲዮስ ሺኢጲያ ማኣሮ
ዓሶ ሚርጌና ናሽካያ ማዒያ ዛሎ" ኬኤዛኔ።

ማፃኣፔላ ዲማ ዲማ ዓርቁ ባኮ

ዓይያ ካሮ" 1፡1-11
ጳውሎስ ዓኣ ጎይያ 1፡12-26

ኪሪሰቶስና ጴዳ ናንጊ 1፡27—2፡18
 ጳውሎስና ዋላ" ማዳ ዓሶ 2፡19-30
 ሉኡቂ ዔርዛ ዓሶም ላቲ" ኬኤዚንቴ ባኣዚ" 3፡1—4፡9
 ጳውሎስኮ ፕልሊሲዮስ ዓሶ ጋላቲያንታ ጋፒንያ ሳራሢያ
 4፡10-23

ጳውሎስ ዳኬ ሳራሢያ

1 ሐይ ኪኢታ" ዩሱስ ኪሪሰቶስም ማዳያ ማዔ፥ ጳውሎስና ሂምቴዎሴናይዳፓ ዳኪንቴያኬ፤

ዳኪንቴሢያ ፕልሊሲዮስ ካታማ" ናንጋ ዩሱስ ኪሪሰቶስ ጉሙርቂያና ያኦሲም ዲማዔ ዓሶና ሺኢጲያ ማኣር ዎይሢ ዓሶና ዲያቆኔ ማዒ ዔያቶ ማኣዲ" ማዳ ዓሶናምኬ፤

2 ኦኡኮ ዓዳሢ፥ ያኣዛሢዳፓ፤ ዩያጉዲ ሃሣ፥ ጎዳ ዩሱስ ኪሪሰቶሴይዳፓ ያኦሲኮ ኮሹሞ ዒንጊያና ዎዛና ዒንሢም ማዎንጎ።

ጳውሎስኮ ጋላቶ" ሺኢጲያ

3 ዒንሢ ታ ጳቂሣ ዎዶ"ና ቢያ፥ ታ ያኣዛሢ ታኣኒ ጋላታኔ።

4 ዒንሢ ቢያሢም ታ ሺኢቃኣና ዴኤፒ ዎዛና ታ ሺኢቃኔ።

5 ታኣኒ ፕልሊሲዮስ ካታሞ ሄሌ" ኬላ"ፓ ዓርቃዎ ሃኖ" ሄላ"ንዳኣና ኮዡ ሃይሶ ኬኤዚያ ማዶ"ና ታኣና ዎላ" ዒንሢ ማዔሢሮ ያኦሲ ታ ጋላታኔ።

6 ዩሱስ ኪሪሰቶስ ማዒ ሙካ ኬሎ"ና ኩንሣኒ ዩያ ኮዡ ማዶ" ዒንሢና ማዶኒ ዓርቂ ያኣዛሢ ሃሢያ ማዶሺ ዴዴዓንዳሢ ታ ጉሙርቂ።

7 ታ ዒንሢ ዛሎ" ዩያይዲ ማላንዳያ ኮይሳኔ፤ ዓይጎር ጌዔቴ ጎኔ ዒናፓ ታ ዒንሢ ናሽካያታሢሮኬ፤ ሃሣ ታ ዒንሢሮ ዩያይዲ ማላሢ ኮዡ ሃይሶ ዛሎ" ያኦጨንታ ባኮሮ ማሂ ታ ኬኤዛ ዎዶ"ና፤ ሃሣ ታ ሃይካ ቱኡዞ ማኣራ ኬኤዛኣና ዒንሢ ታኣና ዎላ" ያኦሲኮ ኮሹሞ ዒንጊያ ዔካያ ማዔሢሮኬ።

8 ዩሱስ ኪሪሰቶስ ዒንሢ ናሽካሢጉዲ ታኣኒያ ዒንሢ ናሽካያ ማዒ ዒንሢ ጳቂሣሢኮ ያኦሲ ማርካኬ።

9 ናሹማ ዒንሢኮ ዔራቶና ጳቂሥሢና ዓኣያ ማዒ፥ ዳልጊ ዳልጊ ዓኣዳንዳጉዲ ታ ያኦሲ ሺኢቃኔ።

10 ዩይ ዑሣ ዓኣዳ ኮዡ ባኮ ዲማሲ ዒንሢ ዔራንዳጉዲና ኪሪሰቶስ ማዒ ሙካ ኬሎ"ና ጌኤሺ፤ ሃሣ ቦሂሳ ባኣዚ"ያ ባኣያ ማዒ ዒንሢ ጴዳንዳጉዲኬ።

1:1 ዳኪ. ማዶ" 16፡12።

11 ያዊ ማዕደና ዩሱስ ኪሪስቶስ ዲንሢሞ ዲንጋ ደሎ"ሞ
ዓኣፖና ኩሚ ያኦሲ ቦንቻያና ጋላታያ ዲንሢ ማዕንዳኔ።

ጳውሎስኮ ቱኪ ንቲፃ ኮዦ ሃይሶ ኬኤዚያ ላኣገባኣሢ

12 ታ ዲሾንሦ! ታ ሚሾንሦ! ታጊዳ ሄሌ" ባካ ቢያ ኮዦ ሃይሶ
ማደ" ባሾና ዳልጋንዳጉዲ ማሄሢ ዲንሢ ዔራንዳጉዲ ታ ኮዓኔ።

13 ታኣኒ ቱኡቲሢ ኪሪስቶስኮ ኮዦ ሃይሶ ኬኤዚያ ዛሎ"ናታሢ
ሮሜ ዓፍፌ" ካኣቲ ማኣሮ ካፓ ዓሶንታ ማሌ" ዓሳኣ ቢያ ታና ዔሬኔ።

14 ታ ቱኡቲቲያ ኪሪስቶስ ጉሙርቃ፥ ታ ዲሾንሢና ታ
ሚሾንሢናፓ ሚርጌዞንሢ ያኦሲ ቃኣሎ" ዲጊቹሞ ባኣያ ኬኤዚ
ዳንዳዔኔ።

15 ጋዓንቲ ፔቴ" ፔቴ"ዞንሢ ኮዦ ሃይሶ ኬኤዚሢ! ቱሎሙሞና
ዒዲሢ ዓያናኸ፤ ዛላ" ኬኤዚሢ ፒዜ ዒናፓኸ።

16 ዩንሢ ኮዦ ሃይሶ ፒዜ ዒናፓ ኬኤዚዞንሢ ናሹሞና ኬኤዚ፤
ዔያታ ዩያ ማዳሢ! ታኣኒ ኪሪስቶስኮ ኮዦ ሃይሶ ዛሎ"
ሞኦታንዳጉዲ ያኦሲ ታና ደኦሬሢ ዔራሢሮኸ።

17 ሃንጎታ ኮዦ ሃይሶ ዎቢሲ ኬኤዚሢ ፔና ዴ"ግ ዴ"ጊዳኒ ዓኣ
ማሊያይዳፓ ዔቁያና ቱኡዞኮ ጊዳ" ቃሲ" ታና ሜቶ ሄሊ"ሳኒ
ማሊኸ።

18 ዩይ ያዲ ማዔቴያ ዩይ ቢያ ታና ዎዎዛሳኔ፤ ሴካ ቤርታ ዓኣ
ዎዞ" ታኣኮ ሃያኸ ጌይንቱዎያኸ፤ ዎይቲ ጌዔቴ ኮሺና ማዎም ፑርታ
ማሊሢና ኪሪስቶስኮ ኮዦ ሃይሳ ኬኤዚንታሢሮኸ።

19 ማሌ" ሃሣ ታና ዎዛሳ ባካ ዲንሢ ሺኢጲያና፤ ሓሣ ዩሱስ
ኪሪስቶስኮ ዓያኖ ጌኤዦ ታና ማኣዴ"ሞ ታኣኒ ቱኡዛፓ
ቡሊ"ንታንዳሢ ታ ዔራሢሮኸ።

20 ዩያሮ ዓይጎ ባኣዚ"ናኣ ታ ባሺንቲንዲዎኣሢ ጉቤ ዒናፓ ሃጊ
ማዕንዳ ዎዛ ጌሢ ታ ጉሙርቃኔ፤ ዩያጉዲ ሃሣ ቤርታኣሰካፓ
ባሾና ሓሢ ታ ናንጌቲያ ሃይቁቲያ ታኣና ኪሪስቶስ

ቦንቻንታንዳጉዲ ማሃኒ ጫርሹሞ ታኣኮ ዓኣኔ።

21 ዩያሮ ታኣኮ ናንጎ ጌይፃ፡- ኪሪስቶስና ናንጊሢኸ፤ ታ
ሃይቁቲያ ዑሣ ዓኣዴ ኮሺ ታኣም ማዓኔ።

22 ታኣኮ ኪሪስቶስና ማዒ ናንጊፃ ዓኣፒ ማደ ማደሻያ ማዔቴ፥
ሃሢ ናንጊና ሃይቢናይዳፓ ዎኖ ታ ደኦራንዳቲያ ታኣም ዔርቱዎሴ።

23 ዩንሢ ላምዎ ማሊያንሢና ታ ሜታዳኔ፤ ፔቴ" ዛሎ"ና ሃካ
ናንጊያይዳፓ ሃይቢና ዲማዲ፥ ኪሪስቶስና ዎላ" ታ ናንጋኒ ኮዓኔ፤
ዓይጎሮ ጌዔቴ ኪሪስቶስና ማዒፃ ቢያፓ ባሺ ታኣም ማዔሢሮኸ።

1:13 ዳኪ. ማደ" 28፥30።

24 ማለ " ዛሎ"ና ዲንሢ ማኣዳ"ኒ ታኣኮ ሃካ ሳዓ ናንጊፃ ሚርጌ ኮይሳያ ማዔሢ ታ ዛጋኔ።

25 ታኣኮ ዬኖ ዛሎ" ማሊፃ ባሼያ ማዔሢሮ ሃይቢዳፓ ታ ዓቲ" ዲንሢና ዎላ" ናንጋንዳሢ ታ ጉሙርቃኔ፤ ያዲ ማዔቴ፡- ኪሪሰቶሴ ጉሙርቁ ዲጨሢና ዎዘና ዲንሢ ዴንቃንዳኔ።

26 ላሚ ዲንሢ ኮይላ" ታ ሙካኣና ታ ዛሎ"ና ኪሪሰቶሴና ዲንሢኮ ዓኣ ዎዘና ዲንሢ ሚርጌና ዎዘዳንዳኔ።

27 ዓካሪ ቢያፓ ባሼ ማዔ ባካ ዓይጎዳይ ጌዔቴ፡- ናንጋ ዲንሢኮ ኪሪሰቶሴ ኮዦ ሃይሶ ጋላቲሳያ ማዓኒ ኮይሳሢኬ፤ ዬይ ያዲ ማዔቴ ታ ዲንሢ ሙኪ ዛጌቴያ ሃኬ ማዔቴያ ፔቴ" ማሊሢና ዶዲ ዲንሢ ዔቃንዳሢንታ ኮዦ ሃይሶ ማዶ" ዶዲ ዲንሢ ማዳንዳሢ ታ ጉሙርቃኔ።

28 ዓይጎ ባኣዚ"ናኣ ማፃም ዲንሢ ማዶ" ማካ ዓሶ ዲጊጨፖቴ፤ ዬይ ዲንሢኮ ጨርሹማ ዔያቶም ባይሲንታ ማላታ ማዓዛ ዲንሢም ጋዓንቴ ዳቁንታም ያኣሲ ዲንጌ ማላታ ማዓንዳኔ።

29 ኪሪሰቶሴ ዛሎ" ዲንሢ ሜቶ ዔካንዳጉዴያ ማዓንዳፓዓቴም ዓዛ ጉሙርቃንዳጉዲ ሌሊ ሃይ ያኣሲኮ ኮሹሞ ዲንጊፃ ማዶ" ዲንሢም ዲንጊንቲባኣሴ።

30 ዬያሮ ሃሢ ዲንሢ ታኣና ዎላ" ሚታዳያ ማዔኔ፤ ዬይ ሚታሢ ሃያኮ ቤርታ ታና ሄሌ"ሢና ሃሢያ ታኣኒ ሚታሢዳ ዓኣሢ ዲንሢ ዎይዛሢኬ።

2

ኪሪሰቶሴ ዳቄ ሹሌዑሞ

1 ኪሪሰቶሴሮ ዲንሢ ማዔሢሮ ዲዘና ዲንሢ ዎልቁ ዴንቄኔ፤ ሃሢ ዲዘ ናሹሞና ዲንሢ ዶዴኔ፤ ዓያና ጌኤዦ ዛሎ"ናኣ ፔቱሞ ዲንሢ ዴንቄኔ፤ ዎላ" ዲንሢ ኮሹሞና ሚጨንቲሢና ናንጌኔ፤

2 ዬያሮ ፔቴ" ማሊሢና ናሹሞ ዓያናና ዎላ" ጊኢጊ ናንጊሢና ታኣኮ ዎዞ" ኩሙሢ ዎዞ ማሆዎቴ።

3 ሚርጌና ሹሌዔ ማዔ፥ ማለ" ዓሶ ዲንሢዳፓ ባሼ ማሃ ዛጉዎቴ፤ ፔና ናሽኪሢና ሃሢ ዬያጉዲ፡- «ታ ጊዳ"ፓ ማለ" ያናዳይ?» ጋዓ ሄርሺንቲና ዓይጎ ባኣዚ"ያ ማዲፖቴ።

4 ሃሢ ዬያጉዲ ፔቴ" ፔቴ"ሢ ፔኤም ኮይሳ ባኮ ሌሊቱዎንቴ ማለ" ዓሲማኣ ማዓንዳ ባኣዚ" ማሎንጎ።

1:30 ዳኪ. ማዶ" 16፥19-40።

5 ዬያይዲ ዬሱስ ኪሪስቶስ ዲንሢ ጳዌ ሼሌዑሞ ማዳ" ዲንሢ ናንጎይዳ ጴዳንዳያ ኮይሳኔ።

6 ዲ ፔኤሮ ያኦሲታያ ያኦሲና ዎላ" ዲዛ ሄኮ ማሃ ዲዛኮ ያኦሱሞ ዓርቂ ዴዓኒ ኮይባኣሴ።

7 ጋዓንቴ ዲዚ ፔና ጉሪ ማሄኔ፤ ዓይሌ" ማሎዎ ዔኬኔ፤ ሃሃ ዓሲ ማዒያ ጴዴኔ፤

8 ዓሲ ማዔያዎ ሼሌዑሞና ፔ ቶኦኮ" ሂርኪዴኔ፤ ሃይቢ ሄላ"ንዳኣና ዬይያ ፑርቶ ዓሶ ሱያ ሚያይዳ ሱዲንቴ ሃይቃኒ ዓይሢንታያ ማዔኔ።

9 ዬያ ዛሎ"ሮ ያኦሲ ዲዛ ቢያፓ ዑፃ ዴ"ጊዴኔ፤ ሱ"ንሢ ቢያይዳፓ ባሼ ሱ"ንሢ ዲዛም ጌሢኔ።

10 ዬያሮ ዬሱሴ ሱ"ንያ ቦንቺ ጩሪንጩና ሳያናይዳ ሃሃ ሳያኮዎ ዴማ" ዓኣሢ ቢያ ዲዛም ጉሞዓታንዳኔ።

11 ሃሃ ዔያታ ፔ ዳንጎና «ዬሱስ ኪሪስቶስ ጎኔ ጎዳኬ» ጌዒ ማርካዲሢና ያኦሲ፣ ዓዳሢ ቦንቻንዳኔ።

ዓጮ" ዓሶም ፖዒ ማዒሢ

12 ታ ዲጊሮንሢዮቴ! ታኣኒ ዲንሢና ዎላ" ማዔ ዎዶ" ቢያና ዲንሢ ዓይሢንታያኬ፤ ዓካሪ ባሼና ታ ዲንሢዳፓ ሃኬ ዎዶ"ናኣ ዓይሢንታያ ማዓንዳጉዲ ታ ዲንሢ ዘራኔ። ዬያሮ ዲንሢ ፔቴ" ፔቴ"ሢኮ ዓኣ ዳቂንታ ጋፒንያ ሄላ"ንዳኣና ዶዲ ዴዓንዳጉዲ ያኦሲ ዲጊጩሢና ቦንቺሢና ዶዲ ማዲዎቴ።

13 ዓይጎሮ ጌዔቴ ዲዛ ማሊያጉዴያ ዓይሢንቲሢና ናሽኪ ዔኤዒሢና ዲንሢም ዲንጊ ዲንጊ ማዳሢ ያኦሲታሢሮኬ።

14 ዓይጎ ማዶዎ ዲንሢ ማዳ ዎዶ"ና ጉንዲሚ ጉንዲሚ ጎሪ"ንቲያ ዎላ" ጎሪ"ንቲ ማርሚፖቴ።

15 ያዲዴቴ ሃያ ዎርቆ ጎይፃ ዔርቱዎ ሸይንቶ ዓሶ ባኣካ" ቦሂሳ ባኣዚ" ባኣያ፣ ጌኤሽ ያኦሲ ናይ ማዒ፣ ዠኦጌጉዲ ፖዒ ዲንሢ ጴዳንዳኔ።

16 ይይ ያዲ ማዓንዳሢ ስንገረ ዲንጋያ ማዕ። ኮዦ ሃይሶ ሃሹ"ዎሮ ዲንሢ ከኤዛኒ ዳንዳዕቶኩ፤ ይያ ጎይፆና ታኣኮ ጳዦ ማዕፎቲያ ማዳ" ጉሪ ማዕ ዳቲንዲፍዋኣሢሮ ኪሪሰቶሴ ማዕ ሙካኣና ታና ሄርሺንቲሳንዳ ባኣዚ" ዓኣኔ ገይሢኩ።

17 ፆኦሲም ጉሙርቁሢና ዲንሢ ዲንጎ ባኮ ሺኣሻኣና ታ ሹምፓሢያ ቃሲ" ዋሆ ዑዦጉዲ ማዕ ዲንገንታያታቲ ታና ዎዛሳያ ማዓንዳኔ፤ ዲንሢያ ታኣና ዎላ" ዎዛዳንዳኔ።

18 ይያይዲ ዲንሢያ ታኣና ዎላ" ዎዛዳዎቲ።

ዲሞቲዎሴና ዔፓራዲቶሴናኮ ማዳ"

19 ታኣኒ ዲንሢ ዛሎ" ዋይዚ ዎዛዳኒ ዲሞቲዎሴ ዑኩና ዲንሢ ባንሢ ዳካንዳጉዲ ጎዳ ታና ማኣዳ"ንዳሢ ታ ጉሙርቃኔ።

20 ዲንሢ ዛሎ" ሜታዲ ማላ ዓሲ ዲሞቲዎሴይዳፓዓቲም ሜሌ" ዓሲ ታኣኮ ባኣሴ።

21 ሜሌ" ዓሳ ጋዓንቲ ቢያ ፔኤም ማዓ ባኣዚ" ሌሊ ዳኪ ሃንታኣፓዓቲም ዬሱሰ ኪሪሰቶሴ ማዳ" ዛሎ" ዔኤቢ ዓቲ"ኔ ጎዑዎሴ።

22 ዲሞቲዎሴኮ ጉሙርቁንቲፃ ዛገንቲ ዔርቲያ፤ ሃሣ ኮይሳ ዓሲ ማዕሢ ታኣና ዎላ" ዓደና ናይናጉዲ ፔቲ" ማዕ ኮዦ ሃይሶ ከኤዚፆና ዎላ" ኑ ማዳ ስንገሢ ዲንሢ ዲንሢ ቶኦኪና ዔራኔ።

23 ታ ጌኤዛ ዎይታንዳቲያ ታ ዔሪሢኮ ገንፃ ዲሞቲዎሴ ዑኩና ዲንሢ ባንሢ ታ ዳካኒ ማላኔ።

24 ሃሣ ታኣኒያ ታኣር ዲንሢ ኮይላ" ሙካንዳጉዲ ጎዳ ታና ማኣዳ"ንዳኔ ገዒ ታ ጉሙርቃኔ።

25 ይያጉዲ ሃሣ ዲንሢ ታና ማኣዳ"ንጎ ገዒ ዳኩ። ጎዳ ሱንፆና ኑኡኮ ዲሻሢ ማዕ። ዔፓራዲቶሴያ ዲንሢ ባንሢ ዳካኒ ኮይሳያ ማዕ ታኣም ጴዴኔ፤ ዲዚያ ታኣና ዎላ" ዬሱሰ ኪሪሰቶሴ ማዳ"ና ፖኦሊሴጉዲ ማዕ። ደዲ ማዳ ስንገይኩ።

26 ዒዛ ታ ዲንሢ ኮይላ" ዳካሢ" ዲንሢ ዒዛ ዛገኒ ጳቁሣሢሮና ዒዚ ሃርገንቲሢያ ዲንሢ ዎይዜሢሮ ዒ ማላያታሢሮኩ።

27 ጎኔና ዒ ኮሺ" ሃርገንቲ ሃይቃኒ ዑኩፆኩ፤ ጋዓንቲ ፆኦሲ ዒዛ ሚጨንቲ ዓውሴኔ፤ ዒዛም ሌሊቲዎንቲ ታኣማኣ ሚጨንቲሢሮ ታኣኮ ቤርታኣ ማሊያይዳ ቃሲ" ቃሲ" ታ ማላዎጉዲ ታናኣ ማኣዳ"ኔ።

28 ይያሮ ዲንሢ ዒዛ ዛገ ዎዛዳንዳጉዲና ታኣኮዎ ማሊያ ሹሌዓንዳጉዲ ዒዛ ታ ዲንሢ ባንሢ ዳካኒ ባሺና ኮዔኔ።

29 ዓካሪ ጎዳ ሱንፆና ዒዚ ዲንሢኮ ዲሹ ማዕሢ ዔሪ። ዎዛና ዒዛ ሹኦቲንሢ ዔኩዎቲ፤ ሃሣ ዒዛጉዴ ዓሶዎ ቢያ ቦንቹዎቲ።

30 ዓይጎር ጌዔቴ ዒንሣ ታ ኮይላ" ሙኪ ማእዳ"ኒ ዳንዳዒባአ ማእዳ ዒዚ ታና ማእዳ"ኒ ጌዒ ኪሪሰቶሴኮ ኮዦ ሃይሶ ኬኤዚያ ማደ"ሮ ፔ ሹምፓሣ ሚጨንቱዋ? ሃይቃኒ ዑኬያ ዓቴ"ሣሮኬ።

3

ጎኔ ዲሉ"ሞ

1 ዓካሪ ታ ዒሾንሦ! ታ ሚሾንሦ! ጎዳና ዋዛዲዎቹ፤ ዬያ፣ ታኣኒ ቤርታ ፃእፔ ባኮ ላሚ ፃእፓኒ ታና ዒሠዎሴ፤ ዒንሣ ዬይ ዳቢንቲፓ ካፓኒ ዳንዳዒ።

2 ካናቶጉዲ ፑርቶ ማደ" ማዳ ዓሶይዳፓ ዒንሣና ካፑዎቹ፤ ዬያ ታ ዓቴንቴ ቤርቲ ቲቁሣ ኮይሳያኬ ጌይ ዔርዛዘንሣኬ።

3 ኦኡኒ ዓያናና ያኦሲ ካኦሽካያ፣ ዙልካ ዓሲም ጴዳ ዎጌና ማዒባኦንቴ ዬሱሰ ኪሪሰቶሴና ሌሊ ሄርሺንታያ ማዔሣሮ ጎኔሞና ዓቴንቴ ቤርቲ ኦ ቲቁንቴያኬ።

4 ዓሲም ጴዳ ባኦዚ"ና ሄርሺንታኒ ኮይሳያ ማዔቴ ሚርጌ ባኦዚ"ና ታ ሄርሺንታኒ ዳንዳዒ፤ ዓሲ ቤርቲዳ ጴዳ ባኦዚ"ና ሄርሺንታኒ ጋዓይ ዓኦቶ ታ ዒዛፓ ባሼ ሄርሺንታንዳ ሚርጌ ባኦዚ" ታኦኮ ዓኦኔ።

5 ታኣኒ ሸይንቴሰካፓ ሳላ"ሳ ኬሎ"ና ዓቴንቶ ቤርቶ ቲቁንቴ፤ ሃሣ ቢኢኒያሜ ዜርሣ ማዔያ፣ ታኣኒ ዒሰራዔኤሌ ዓሲኬ፤ ዬያጉዲ ሃሣ ዔብሪ ዓሲ ታ ማዔሣኦኮ ያኦጨሳ ባኦዚ" ባኦያኬ፤ ጊንሣ ዓይሁዶ ዎጎ ካፒያ ዛሎ" ማዔቴ ታ ፔርሴ ዓሶይዳፓኬ።

6 ያኦሲ ካኦኦ ሚጨንቶ ዛሎ" ማዔቴ ዬሱሰ ኪሪሰቶሴ ጉሙርቃዘንሣ ዒዒ ታ ዳውሳሣኬ፤ ሃሣ ዎጌ ካፒሣና ዒሊ"ሣ ዛላ ማዔቴ ዔኤቢ ቦሂሳ ባኦዚ" ባኦያ ታ ናንጋያኬ።

7 ጋዓንቴ ሃያኮ ቤርታ ታኦም ኮይሳያኬ ጌዒ ታ ጉሙርቃ ባኮ ቢያ ኪሪሰቶሴሮ ጌዒ ዔኤቢ ፓሠዎ ባኦዚ" ማሂ ታ ዛጋኔ።

8 ታ ጎዳሣ ዬሱሰ ኪሪሰቶሴ ዔሪፃፓ ባሼ፣ ማሌ" ዓይጎ ባኦዚ"ያ ባኦሣ ታ ጉሙርቃሣሮ ቢያ ባኦዚ" ዔኤቢ ፓሠዎያ ማሂ ታ ዛጊ ዒዛሮ ጌዒ ቢያ ባኦዚ" ታ ሃሼ"ኔ፤ ሃሣ ዒዛ ዴንቃኒ ጌዒ ቢያ ባኦዚ" ፒያ"ና ቡኡራጉዲ ማሂ ታ ዛጋኔ።

9 ዬያ ታ ማዳሣ ዎጌ ካፒሣና ጴዳ፣ ታ ቶኦኮ" ዒሊ"ሞናቱዋንቴ ጉሙርቃሣና ጴዳ ዒሉ"ሞ ኪሪሰቶሴ ዛሎ"ና ዴንቃኒና ዒዛና ዎላ" ማዓኒኬ።

3:5 ዳኪ. ማደ" 23፣6፤ 26፣5፤ ሮሜ 11፣1። 3:6 ዳኪ. ማደ" 8፣3፤ 22፣4፤ 26፣9-11።

10 ሃሣ ኪሪሰቶስን ቢዛኮ ሃይባ"ፓ ዔቁቻ ዋልቆንታ ዔራሬ፤ ሃሣ ቢዛኮ ሃይባ"ናኣ ቢዛኮ ማላሬና ማታሢያ ቢዛኮ ዋላ" ዔካገኤ።

11 ዩያጉዲ ሃይቁሢኮ ገንፃ ዔቁ፣ ናንገና ሹምፔና ናንገጊ ሃገ ማዓንዳ ዋዛ ታ ገሣኤ።

ጋፒንፆ ሄላ'ኒ ጳሽኪሢ

12 ዩያ ቢያ ሃገ ታ ዳንቁባኣሴ፤ ሃሣ ዩያ ቢያ ታ ኩንሣኔ ጋዓጊ ዳንዳቡዋሴ፤ ማዔቴያ ዩሱሰ ኪሪሰቶስ ታና ቢዛኮ ማሃ፣ ታኣም ባንገጊ ገኢጊሽ ባኮ ዔካገጊ ሴካ ቤርቲም ደዲ ታ ጳጉይዳኤ።

13 ታ ቢሸንሦ! ታ ሚሸንሦ! ሃሢ ታ ቢኢካ ሄሌ"ኔ ታና ታ ጎቡዋሴ፤ ጋዓንቴ ፔቴ" ባኣዚ" ታ ማዳኔ፤ ዩይያ፡- ታኣኮ ገንፃ ዓኣ ባኮ ታ ሃሺ" ሃሺ" ቤርታ ዓኣሢ ዳንቃጊ ደዲ ታ ማዳኔ።

14 ታኣም ቢንገገንታ ባኮ ዔካገጊ፣ ታኣኮ ቤርታ ሄሌ"ም ገሦና ቤዛ ታ ጳሽካኔ፤ ዩይ ታኣም ቢንገገንታንዳሢ' ያኦሲ ዩሱሰ ኪሪሰቶስ ዘሎ"ና ሌካ ታና ዔኤሌ" ቢንገንዳ ሹምፖኤ።

15 ዓካሪ፡ ዓዳኖ ናንገና ደዲ ዓሳ፣ ኑኤጊ ቢያ ዩያጉዲ ማላሢና ናንገንዳያ ኮይሳኔ፤ ቢንሢ ዲማሳ ማላሢ ባኣካ" ማዢንቴቴ ዩያ ማሊያ ያኦሲ ቢንሢም ፔጋሳንዳኔ።

16 ዩይ ያዲ ማዔቴያ ኑኤኮ ዩይ ናንገ፡ ኑ ሃሢ ናንገ ዓዳኖ ናንገና ዋላ" ሄኮ ማፆንጎ።

17 ታ ቢሸንሦ! ታ ሚሸንሦ! ታ ማዳ ባኮ ዘገ ማዳሢና ሓንጎ ዓሶና ዋላ" ፔቴ" ማዕቀቴ፤ ሓሣ ኑ ማዳ ባኮ ዘገ ሓንታ ዓሶቀ ቢያ ቢናፓ ኮሺ" ዛጉዋቴ።

18 ሃያኮ ቤርታ ሚርጌ ዋዳ ታ ኬኤዜሢሃጉዲ ሃሢያ ታ ዩኤኪ ዩኤኪ ቢንሢም ኬኤዛ ጎይያ ሚርጌ ዓሳ ኪሪሰቶስ ፑርቲሴ ዓሶ ሱያ ሚፃ ሓይቁ ሓይባኮ ሞርኬ ማዔኔ።

19 ዔያቶኮ ያኣዛሢ ጎጲኤ፤ ሃሣ ቦርሲሳያ ማዔ፣ ፑርቶ ባካ ዔያቶኮ ቦንቸኤ፤ ባሼ ዔያቶኮ ማሊያ ሳዓይዳ ዓኣ ባኣዚ"ዳኤ፤ ዩያሮ ጋፒንፆ ዔያቶኮ ባይሲንታኤ ገይሢኤ።

20 ኑኤጊ ጋዓንቴ ጫሪንጮ ዓጪ ዓሲኤ፤ ቢኢካፓ ሙካንዳ ዴኤሻሢ፣ ኑ ጎዳሢ፣ ዩሱሰ ኪሪሰቶስ ጳቂሢ ኑ ካፓያኤ።

21 ቢዚ ሃያ ኑኤኮ ላቤ"ያ ማዔ፣ ሓይቃ ዑያ ላኣሚ ቢዛኮ ቦንቸንታ ዑያ ማላሬ ማዓንዳጉዲ ማሃንዳኔ፤ ዩያ ቢ ማዳንዳሢ' ቢያሢ ቢዛኮ ቢታንቶ ዳማ" ማዒ ዋርቃንዳጉዲ ማሃ ዋልቆናኤ።

3:17 1ቆሮ. 4:16፤ 11:1።

4

ጋፒንሢ ዞር

1 ታ ዲንሢ ርሽካያ፣ ጳቂሣያ፣ ሃሣ ታና ዎዛሳያና ታ ማጄ ማደ"ኮ ቦንቹ ዲንጎ ባኮ ማዔ ታ ዲጊኖንሢዮቲ! ዓካሪ ዬያይዲ ጎዳና ዶዲ ዲንሢ ርንጋንዳጉዲ ታ ዲጊኖ ዲንሢ ማዔ ጎይያና ታ ዲንሢ ዘራ።

2 ዔዎዲያና ሲንጂኬና ዔያታ ዎላ" ቡኪ ጎዳና ዓኣ ፔቱሞና ርንጋንዳጉዲ ታ ዔያቶ ሺኢቃ።

3 ኔኤኒያ፣ ዲኢካ ዓኣ ጉሙርቂንታ ታኣኮ ማደ" ለጋሢ' ዬንሢ ለኣሎንሢዮቲ ዑኩ ማዲ ዓያኖ ርንጎ ዘሎ"ና ዔያቶ ኔ ማኣዳ"ንዳጉዲ ጌዲ ታ ኔኤሞ ኬኤዛኔ፣ ዓይጎር ጌዔቲ ዬንሢ ለኣሎንሢ ቁሌማያሴና፣ ሃሣ ሱንፃ ርንጎ ማፃአፖይዳ ፃኣፒንቲ፣ ማሌ" ኦኡኮ ማደ" ለጎንሢንታ ዎላ" ማዲ ኮዦ ሓይሶ ኬኤዚያና ታኣና ዎላ" ዔያታ ለቤ"ያታሢርኬ።

4 ጎዳና ዲንሢ ዓኣሢር ቢያ ዎዴ ዎዛዲዎቲ፣ ለሚ ለሚ ታ ዲንሢ «ዎዛዲዎቲ» ጋዓ።

5 ዲንሢኮ ኮሹማ ዓሲ ቢያም ዔርቲያ ማፖንጎ፣ ጎዳ ሙካኒ ዑኩ።

6 ዬያር ዲንሢም ኮይሳ ባኣዚ" ዓኣቶ ጋላቲ ጋላቲ ያኦሲ ሺኢቃንዳኣፓዓቲም ዓይጎ ባኣዚ"ሮዎ ማሊ ማታዲፖቲ።

7 ዓሲ ማሊሢኮ ዑሣ ማዔ፣ ያኦሲኮ ኮሹማ ዲንሢኮ ዲኖና ማሊያና ዬሱሰ ኪሪሰቶሴ ዘሎ"ና ካፓንዳ።

8 ታ ዲሾንሦ! ታ ሚሾንሦ! ዓካሪ ጋፒንያይዳ ታ ዲንሢም ኬኤዛሢ ጎኔ ማዔ ባኣዚ"፣ ዲናና ዓኣያ ማሃ ባኣዚ"፣ ጌኤሺ ማዔ ባኣዚ"፣ ጂሎ" ማዔ ባኣዚ"፣ ርሹሞ ዓኣ ባኣዚ"፣ ኮሺ ሃይሴ ማዔ ባኣዚ" ቢያ፣ ሃሣ ኮሺ ማደ ማዔቲያ ጋላቲሢ፣ ዬንሢ ባኮንሢ ማሉዎቲ ጌይኬ።

9 ታኣኒ ዔርዛኣና ዎይዚ ዲንሢ ዔኬ ባኮና ታ ማዳኣና ዛጌ ባኮ ቢያ ማዲዎቲ፣ ዬያ ዲንሢ ማዴቲ ኮሹሞ ዲንጋ ያኣዛሢ ዲንሢና ዎላ" ማዓንዳ።

ጳውሎሴ ዲዛም ዲንጊንቲ ባኮ ዘሎ"ር ዓሶ ጋላቲሢ

10 ሚርጌ ዎዴኮ ጊንፃፓ ታ ማታሢ ዘሎ" ዲንሢ ማሊሢ ዓርቁሢር ያኦሲ ሱንፃና ሚርጌና ታ ዎዛዳ፤ ዬያ ታ ጋዓሢ' ዲንሢ ማሌ ባኮ ማዳኒ ዲንሢም ጊኣጉዎፖ ዓቲ"ኔ ጌይሢ ማዓንዳኣፓዓቲም ታ ማታሢ ዘሎ" ማሊያ ዲንሢ ሃሺ"ፖ ዓርቁኔ ጌይሢቲዎሴ።

11 ሃሣ ዬያ ታ ጋዓሢ' ታና ሜቲ ባኣዚ" ዓኣኔ ጌይቱዋሴ፤ ዓይጎር ጌዔቲ «ታኣኮ ዓኣ ባካ ታኣም ጊዳንዳኔ» ጌይሢ ታ ዔራሢሮኬ።

12 ዬያሮ ዔኤቢ ዳንቂሢ ማዔቲያ ዔኤቢኮ ባይቂሢ ታ ዔራኔ፤ ዓይጎ ቤሰካ ማዔቲያ ዓይጎ ዎዳና ማዎም ሚሽኪሢና ናይዲንቲሢና፣ ሃሣ ዳንቂሢና ዔኤቢ ባይዚሢናኮ ዓኣ ባኣዚ" ታ ዔራኔ።

13 ዬያሮ ኪሪሰቶሴ ታኣም ዒንጋ ዎልቆና ቢያ ባኣዚ" ታ ዳንዳዓንዳኔ።

14 ጋዓንቲ ዒንሢ ታ ሜታሢ ታኣና ዎላ" ዔካያ ማዒያና ኮሺ ማዶ ዒንሢ ማዶኔ።

15 ዬያ ሌሊቱዋንቲ ኮዡ ሃይሶ ማዶ" ታ ዓርቂ ዎዶ"ና ማቂዶኒያ ዓጫ"ፓ ታ ኬሰካኣና ዒንሢ፣ ፕላጂስቶስ ይዳ ዓኣ ዓሶፓ ዓታዛ ማሌ" ታና ማኣዳ" ሺኢዲሢ ማኣሪ ዓሲ ባኣሢ ዒንሢ ዒንሢሮ ዔራያኬ፤ ዬያሮ ታኣኮ ዔሶ" ዳንቂያናኣ ማዎም ባይዚያናይዳ ታና ማኣዳ"ሢ ዒንሢ ሌሊኬ።

16 ቲሰሎንቂይዳ ታ ዓኣና ሜታዳሢ ዔሪ፣ ላሚ ላሚ ታና ዒንሢ ማኣዳ"ኔ።

17 ዬያ ታ ጋዓሢ' ዒንሢ ሃያኮ ቤርታ ማዶ ባኮፓ ባሽ ሚርጌ ኮሺ ማዶ ዒንሢም ቃሲ"ንታንዳጉዲኬ።

18 ታኣም ኮይሳሢጉዲ ሌሊቱዋንቲ ዑሣ ዓኣዳ ማዔ፣ ዒንሢ ታኣም ዳኬ ባኮ ዔፓራዲቶሴይዳፓ ታ ዔኬኔ፤ ዬይ ዒንሢ ዳኬ ባካ፡- ኮሺ ሳውም ዓኣ ያኣሲም ዒንጎ ባኣዚ"ጉዲ ማሢ ያኣሲ ዔካንዳያና ዎዛዳንዳ ዒንጊሢኬ።

19 ዬያሮ ታ ያኣዛሢ ሃይማኬ ጌይንቱዋ፣ ዒዛኮ ዓኣ ባኮይዳፓ ዬሱሰ ኪሪሰቶሴ ዛሎ"ና ዒንሢም ኮይሳ ባኮ ቢያ ዲቢሺ ዒንጋንዳኔ።

20 ኑ ዓዳሢ፣ ያኣዛሢም ናንጊና ናንጊ ሄላ"ንዳኣና ቦንቾ ማዎንጎ፤ ዓኣሚን።

ጋፒንሢ ሳራሥሢ

21 ዬሱሰ ኪሪሰቶሴ ጉሙርቂ ያኣሲም ዲማዴያ ማዔ፣ ዒዛ ሳሶም ቢያ «ኮሺዳ?» ጌዔኔ፣ ጎዑዋቲ፤ ታኣና ዎላ" ዓኣ ዒሽንሢንታ ሚሽንሢንታ «ኮሺዳ?» ዒንሢ ጋዓኔ።

22 ዓቲ" ኪሪሰቶሴ ጉሙርቃ ዓሳ ቢያ፤ ሃሣ ዲማና ሮሜ ካኣቲም ማዳ ኪሪሰቶሴ ጉሙርቃ ዓሳኣ «ኮሺዳ?» ዒንሢ ጋዓኔ።

4:15 2ቆሮ. 11፥9። 4:16 ዳኪ. ማዶ" 17፥1። 4:18 ኬሲ. ማፃ 29፥18።

23 ጎዳ ዩሱስ ኪሪስቶስኮ ኮሹሞ ዲንገፃ ዲንህሂ ቢያህሞ ማዖንጎ።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1